

Siunnersuut

uunga

Aningaasanik nuussinermi paasissutissat ilanngullugit nassiunneqartussat pillugit
Kalaallit Nunaannut inatsit

§ 1. Aningaasanik nuussinermi paasissutissat ilanngullugit nassiunneqartussat, tak. ilanngussaq 1, pillugit Europa-Parlamentip Rådillu peqqussutaat 2015/847/EU-mi aalajangersakkat Kalaallit Nunaannut atuuppoq.

§ 2. Peqqussummi aalajangersakkat atornissaannut maleruagassanik Naalakkersuisunut tusarniutigineqareersunik inuussutissarsiornermut ministeri aalajangersaasinnaavoq, ilanngullugit Kalaallit Nunaanni pissutsit pisariaqartitaannik aalajangersakkani allannguutit.

§ 3. Peqqussummi immikkoortortat 4-8-mik, 10-12-imik aamma 16-imik piaaraluni imaluunniit sakkortuumik mianersuaalliorluni unioqqutitsinerit akiliisitaanermik pineqaatissiissutigineqassapput, pinerluttulerinermut inatsit, Kalaallit Nunaannut atuuttoq malillugu.

Imm. 2. Piginneqatigiiffiit il.il. (inatsisitigut pisinnaatitaasut pisussaataasullu) Kalaallit Nunaanni pinerluttulerinermut inatsimmi kapitali 5-imi maleruagassat malillugit pinerluttulerinikkut akisussaataasinnaapput.

§ 4. Piffissaq inatsisip atuutilerfissaa inuussutissarsiornermut ministerip aalajangersassavaa.

Imm. 2. Kalaallit Nunaanni aningaasanik nuussisumik paasissutissat ilanngunneqarnissaat pillugit inatsit nr. 399, 21. april 2010-meersoq peqatigisaanik atorunnaarsinneqassaaq.

Inatsisissatut siunnersuummut oqaaseqaatit

Oqaaseqaatit nalinginnaasut

Imaasa allattorsimaffiat

1. Aallaqqaasiut
2. Inatsisiliornermi suleriaaseq
3. Inatsisissatut siunnersuutip immikkoortui pingaarnertit
 - 3.1. Inatsisit atuuttut aamma inatsisissatut siunnersuutip imai
 - 3.2. Aningaasanik nuussinermut peqqussutit aappaat
 - 3.2.1. Kapitali I – Pineqartoq, atorneqarfia aamma nassuiaatit
 - 3.2.2. Kapitali II – Akiliutinik ingerlatitseqqittartut pisussaaffii
 - 3.2.2.1. Immikkoortoq I – Akiliisup akiliutinik ingerlatitseqqeqataasartuata pisussaaffii
 - 3.2.2.2. Immikkoortoq II – Akiliutinik tiguisup akiliutinik ingerlatitseqqeqataasartuata pisussaaffii
 - 3.2.2.3. Immikkoortoq III – Akiliutinik ingerlatitseqqeqataasartut pisussaaffii
 - 3.2.3. Kapitali III – Paasissutissat, paasissutissanik illersuineq aamma nalunaarsukkanik toqqortaqrneq
 - 3.2.4. Kapitali IV – Kinguneqartitsinerit nakkutilliinerlu
 - 3.2.5. Kapitali V – Piviusunngortitsinermit piginnaatitaanerit
 - 3.2.6. Kapitali VI – Pineqanngitsut
 - 3.2.7. Kapitali VII – Naggasiutaasumik aalajangersakkat
4. Pisortanut aningaasaqarnikkut kinguneri aamma atuutsitsilernerup kinguneri
5. Inuussutissarsiortunut aningaasaqarnikkut allaffissornikkullu kinguneri
6. Innuttaasunut allaffissornikkut kinguneri
7. Avatangiisinut kinguneri

8. EU-mi inatsisinut pissutsit
9. Oqartussat suleqatigiiffiillu il.il. tusarniaaffigineqartut
10. Immersugaq eqikkaaffiusoq

1. Aallaqqaasiut

Aningaasanik nuussinermi paasisutissat ilanngullugit nassiunneqartussat pillugit Europa-Parlamentip Rådillu peqqussutaat 2015/847/EU, 20. maj 2015-meersumi aalajangersakkat assigisaannik aalajangersakkanik Kalaallit Nunaannut piviusunngortitsinissaq, kiisalu peqqussut 1781/2006/EF-imik atorunnaarsitsinissaq inatsisissatut siunnersuummi siunertaavoq (kingorna taaneqartumik aningaasanik nuussinermut peqqussutit aappaat). Peqqussut inatsimmut ilanngussatut naqiterneqarumaarpoq.

Aningaasaqarnikkut periutsit aningaasarsianik malunnarunnaarsaanermut imaluunniit qunusiarinninnikkut anguniagaqartarnerup aningaasalersornissaannut atorneqarnissaasa pinaveersaartinnissaannut, Europa-Parlamentip Rådillu peqqussutaat 2012/648/-EU-p allangortinneqarnissaa, aamma Europa-Parlamentip peqqussutaat 2005/60/EF-ip atorunnaarsinneqarnissaa pillugu Europa-Parlamentip Rådillu peqqussutaat 2015/849/EU, 20. maj 2015-imeersoq, kiisalu Kommissionip peqqussutaa 2006/70/EF, (aningaasarsianik malunnarunnaarsaanermut peqqussutit sisamaat) kiisalu aningaasanik nuussinermut peqqussutit aappaat kattullutik tassaapput aningaasarsianik malunnarunnaarsaanerup kiisalu qunusiarinnilluni anguniagaqartarnermut aningaasalersuinerup pinaveersaartinnerinut akiornerinullu EU-mi inatsisitigut sinaakkutaasut. Aningaasaqarnikkut periutsumik pinerlunniartartut atornearluisinnaanerannut sakkortunerusunik maleruagassaqaarnissaq suliniuteqaarsinnaanerlu maleruagassatigut kissaatigineqarpoq.

Kalaallit Nunaat EU-mut ilaasortaangilaq, taamaattumik aningaasanik nuussinermut peqqussutit aappaanni aalajangersakkat assigisaannik aalajangersakkanik Kalaallit Nunaannut atuutsilersitsisoqassappat, tamanna inatsisiliornikkut pisariaqarpoq. Kalaallit Nunaanni aningaasaqarnermik suliaqarfimmi aningaasarsianik malunnarunnaarsaanermik qunusiarinninnikkullu anguniagaqartarnermik aningaasalersuinerup akiorniarnarisa sukateriffiginissaat inatsisissatut siunnersuutikkut siunertaavoq. Kalaallit Nunaannut maleruagassanik – Kalaallit Nunaanni pissutsinut tulluarsagaasunik – aningaasanik nuussinermut peqqussutit aappaat malillugu maleruagassat Danmarkimut atuuttut assigisaannik atuuttoqaarnissaa inatsisissatut siunnersuutikkut qulakkeerneqarpoq.

Peqqussummut aallaqqaasiummi takuneqaarsinnaavoq aningaasat anngiortumik pigisat ingerlaarnerat aningaasanik nuussinerit aqutigalugit aningaasaqarnermik suliaqarfiup innarligassaangissusia, aalajaassusia tusaamaneqarneralu ajoquserneqaarsinnaasut, EU-llu iluani niueqatigiinneq nunanilu tamalaani ineriartorneq ulorianartorsiortissinnaallugit. Aningaasarsianik malunnarunnaarsitsiniaaneq, qunusiarinnilluni anguniagaqartunik aningaasalersuineq kiisalu aqqissugaasumik pinerlunniartarnerit suli ajornartorsiutaapput pingaaruteqartut, EU-p tungaanit iliuuseqarfigineqartariaqartut. Aningaasanik nuussinermut periutsip tatiginassusia, innarligassaangissusia aalajaassusialu kiisalu aningaasaqarnikkut periutsip ataatsimut isigalugu tatigineqarnera pinerlunniartartut inuillu peqataa-

sut pinerlunniarnikkut pissarsiaminnik malunnarunnaarsitsiniarnerisigut imaluunniit pinerlunniarnermik ingerlathanut imaluunniit qunusiarinnilluni anguniagaqarnermik siunertaqartunut aningaasanik nuussisarnerisigut annertuumik ulorianartorsiortinneqarsinnaavoq.

Aningaasarsianik malunnarunnaarsitsiniaaneq, qunusiarinnikkut anguniagaqartunik aningaasalersuisut kiisalu sakkussiat annertuumik aseruisinnaasut siaruaannissaat akiorniarlugit Aningaasaqar-nikkut suleqatigiissitanut (Financial Action Task Force, FATF) sinaakkusiussat iluini nunat tamalaat suleqatigiinnerannut Kalaallit Nunaat ilaavoq, FATF-illu kaammattuutaasa, aningaasarsianik malun-narunnaarsitsiniaanerup qunusiarinnikkullu anguniagaqarnerup pinngitsoortinneqarnissaannik si-unertaqartut nunarsuarimi tamarmi piviusunngortinneqarnissaasa qulakkeerneqarnissaat pisussaaffi-galugu, taakku ilaatigut aningaasanik nuussinermut peqqussutit aappaat aqqutigalugu qulakkeer-neqartussaapput.

Aningaasanik nuussinermut peqqussutit aappaanni aalajangersakkat assigisaannik aalajangersakka-nik Kalaallit Nunaannut piviusunngortitsisoqarnissaa inatsisissatut siunnersuummi siunertaavoq, taamatut iliornikkut Kalaallit Nunaanni aningaasaqarnermik suliaqarfinni aningaasanik nuussinermut maleruagassat sukateriffigineqassapput.

Aningaasanik nuussinermut peqqussutit aappaat aningaasarsianillu malunnarunnaarsitsiniarnermut peqqussutit sisamaanni maleruagassat assigisaat aqqutigalugit Kalaallit Nunaanni suliffeqarfiit anin-gaasaqarnermik suliaqartut Danmarkimiittut naligalugit aningaasanik nuussisinnaassapput nuussa-nillu tigusisinnaassallutik, nunanut pingajuusunut aningaasanik nuussinernut piumasaqaatit annertu-nerusut atornagit. Assigisaanillu soorlu aningaaseriviit nalagaaffeqatigiinnermi nunap immik-koortuinit taakkunanga taakkunungalu nuussinernik ingerlaannaq atuutsitsilersinnaapput, taman-nalu tunngavigalugu ukiup ingerlanerani ullut tamaasa ulloq unnuarlu kontomiit kontomut nuussine-rit ingerlanneqarsinnaapput, ingerlaannartumik nuussinertut taaneqartunik.

Inatsisip matuma saqqummiunneqarnerata peqatigisaanik, inatsit nr. 651, 8. juni 2017-imeersoq kin-gusinnerusukkut allannguutitalik kunngip peqqussutaatigut Kalaallit Nunaannut atuutsinneqalissasoq siunnersuutigineqarpoq.

2. Inatsisiliornermi suleriaaseq

Inuussutissarsiornermik suliaasaqarfiup annersaa Kalaallit Nunaata tigoreerpaa. Inuussutissarsiorner-milli suliaasaqarfiup iluani suliaasaqarfiit arlaqartut danskit oqartussaasuisa sulii akisussaaffigaat. Aningaasaqarnermut Kalaallit Nunaannut maleruagassiorneq suliaasaqarfittut sulii tiguneqanngilaq, taamaattumillu danskit oqartussaasuisa ataanni danskit sulii akisussaaffigalugu.

Aningaasaqarnermut tunngasuni Danmarkimi Kalaallit Nunaannilu inatsisip amerlanersaanni nunani tamalaani maleruagassat, ilanngullugit minnerunngitsumik EU-mi inatsisitigut pituttuisumik akuer-sissutit, tunngavigineqarput. Taamaalilluni ukiuni kingulliunerusuni aningaasaqarnermik suliaasaqar-fimmi maleruagassiorneq EU-p oqartussaaffigisaanik ingerlanneqartarpoq. Taamatut maleruagassi-orneq assigiinngitsunik peqqussutitigut ingerlanneqartarpoq, inatsisinut allannguutinik ilassutinil-luunniit, taakku qanoq piviusunngortinneqarnissaannik allaaserisanik, malittarisassatut teknikkikkut pitsaassusiliinernik kiisalu teknikkikkut pitsaassusissatut aalajangiussat qanoq piviusunngortinneqar-nissaannik allaaserisanik taperneqartarlutik. Taamaasilluni aningaasaqarnermik suliaasaqarfimmi

EU-mi inatsisit amerlanersaat nunat ilaasortaasut akornanni maleruagassat pituttuisut atorlugit piviusunngortinneqartarput. Taamatut iliornikkut EU-mi aningaasaqarnikkut periutsini assigiinnik maleruagassaqaarnissa qulakkeerneqartarpoq, taamaannera naalagaaffiit ilaasortaasut tamarmiusut akornanni aningaasaqarnikkut patajaannerulernermut tapertaasinnaammat.

Europa Unionimi Isumaqatigiisummi (TEUF) immikkoortortaq 288-ip kinguneranik peqqussut tamanut atuuttuuvoq. Pineqartuni ataasiakkaani tamani pituttuisuupput, aallaqqaataaniillu naalagaaffinnut ilaasortaasunut tamanut atuullutik. Kalaallit Nunaat EU-mut ilaasortaannigilaq, aalajangersakkallu aningaasanik nuussinermut peqqussutit aappaanni aalajangersakkat assigisaat Kalaallit Nunaannut atuutsinneqalissappata, tamanna inatsisikkut pisussaavoq.

Tamatuma kingunerisanik peqqussutip pineqartup imarisaata assinganik imaqartumik Kalaallit Nunaannut inatsimmik immikkut ittumik piviusunngortitsisoqartariaqarpoq. Suleriaatsikkut tamanna isumaqarpoq peqqussummi immikkoortortat ataasiakkaat tamaasa danskit inatsisissatut siunnersuutaattut paragrafinut ataasiakkaanut tamanut allanneqassasut. Taamaalilluni danskit inatsisaata imarisai peqqussutip imarisaata assigissavai, ilusiligaanermigulli danskit inatsisissatut siunnersuutaat qangatoortut assigissallugit. Inatsisissatut siunnersuut taamatut ittoq assersuutigalugu inatsisissatut siunnersuummi aalajangersakkanut ataasiakkaanut, tassalu peqqussummi immikkoortortat ataasiakkaat tamarmik assigisaannut, oqaaseqaatinik imaqartussaassaaq, naak peqqussut oqaaseqaatinik nalinginnaasunik immikkulluunniit ittunik imaqanngikkaluartoq, taamaallaalli aallaqqaasiutaasunik oqaasertaqarluni.

Peqqussutit inatsisitut oqaasertaqalersillugit, taakkununga atasunik oqaaseqaatitalinnik il.il. allaqqi-inermik suleriaaseqarneq oqartussanut maanna piffissamik annertuumik atuinarpoq, minnerunngitsuumik peqqussutip Danmarkimut atorneqarnissaa eqqarsaatigalugu Folketingip isummersorfigisinaanngippagu.

Taamaatumik aningaasanik nuussinermut peqqussutip aappaata Kalaallit Nunaannut sukkasuumik piviusunngortinnissaata qulakkeernissaanut, taamaalillunilu aningaasaqarnermik suliassaqaarfimmi naalagaaffeqatigiinnerup iluani assigiissaartumik maleruagassaqaartilernissaanut tamaviaaruteqarnerit maanna suleriaasiusumit ajornakusoortinneqarput. Aningaasaqarnermik suliassaqaarfimmi ima kinguneqassaaq, Kalaallit Nunaanni inatsisit EU-mi pitsaassusiliussanik atuuttunik malinnaasinnaannginnerat, tamaanneratalu kingunerisinnaallugu aningaasanik nuussinerit pineqartillugit, Kalaallit Nunaat nunatut pingajuusutut isigineqartoq.

Unammilligassat tamakku pinaveersaartinniarlugit, inatsisissatut siunnersuummi matumani aningaasaatinut piumasaqaatit pillugit Kalaallit Nunaannut peqqussutip (CRR) piviusunngortinnerani suleriaaseq assigisaa atorneqassasoq siunnersuutigineqarpoq, tak. inatsit nr. 1566, 15. december 2015-imeersoq, taamani peqqussut piviusunngortinneqarmat taanna inatsimmut ilangussatut naqitertinneqarpoq. Tamanna periuseq suli misiliutigalugu atorneqarpoq.

Taamatut iliornikkut inatsisissatut siunnersuut manna Kalaallit Nunaannut danskisut inatsisissatut siunnersuummik imaqarpoq, taamaaliornikkut aningaasanik nuussinermut peqqussutit aappaanni aalajangersakkat Kalaallit Nunaannut atuutilissapput. Taamaalilluni peqqussummi aalajangersakkat dan-

skit inatsisaannut allanngorlugit allaqqinneqassanngillat, danskilli inatsisaannut ilanngussatut ilaatinneqassallutik. Aningaasanik nuussinermut peqqussutit aappaata imarisai erseqqinnerusumik paasisaqarfiginiaraanni imm. 3.2. innersuussutigineqarpoq.

Akuusunut, ilanngullugit Kalaallit Nunaanni suliffeqarfinnut aningaasaqarnermik suliaqartunut aningaasanik nuussinermut peqqussutit aappaannut atatillugu EU-p sinnerani maleruagassat assigisaasa atuutilernissaat inatsisissatut siunnersuutikkut matumuuna qulakkeerneqarpoq. Aningaasanik nuussinermut atatillugu Kalaallit Nunaata nunatut pingajuusutut isigineqannginnissaa tamatuma kingunerissavaa. Peqatigisaanillu inatsisitut ilusiliussaq toqqarneqartoq atorlugu inatsisissatut siunnersuummi aningaasanik nuussinermut Kalaallit Nunaannut maleruagassat EU-mi peqqussummit tunngaveqarnerat erseqqissaatigineqassaaq, tamannalu ilaatigut EU-p Eqqartuussiviani isumasiuinnermut tunngaviusinnaavoq.

Peqqussummi maleruagassat il.il. qanoq atorneqarnissaat pillugu maleruagassanik aalajangersaasinnaanermut inuussutissarsiornermut ministeri piginnaatitaavoq. Tamanna inatsisitut tunngavigalugu Kalaallit Nunaanni pissutsit pisariaqartitaannik naleqqussaanerit il.il. suliarineqarsinnaassapput.

Ministereqarfiit sulianik Kalaallit Nunaannut tunngasunik suliarinnittarnerat pillugu Statsministerip ilitsersuutaani nr. 58, 2. juli 2012-imeersumi maleruagassat naapertorlugit Kalaallit Nunaat inatsisiliornermik suliamut akuutinneqarpoq.

3. Inatsisissatut siunnersuutip imai

3.1. Inatsisit atuuttut aamma inatsisissatut siunnersuutip imai

Kalaallit Nunaanni akilikkanik ingerlatitseqqittartunut, aningaasanik nuussinermi nuussisunut, tigusisunut peqataasunulluunniit piumasaqaatinik inatsisissatut siunnersuut imaqarpoq. Inatsisissatut siunnersuutikkut maleruagassat maanna atuuttut maleruagassanik sukateriffigineqartunik taarserneqarlutik, aningaasanik nuussinermi EU-mi peqqussutit nutaanerpaat tunngavigalugit.

Inatsisini atuuttuni mianerisassat, aamma aningaasanik nuussinermut peqqussutit aappaanni tunngavigineqartut tunngavigineqarput, ilanngullugit maleruagassat ataatsimoortut, aningaasanik malunnarunnaarsaasarneq aamma pinerliiniarnermik aningaasalersuisarneq nunani tamalaani akiorniarlugit ataatsimoortumik pingaarnertut tunngaveqartut. Taamaattumik inatsisissatut siunnersuummi aalajangersakkat siunertaraat aningaasanik malunnarunnaarsaaneq aamma pinerliiniarnermik ani-ngaasalersuisarneq pitsaaliorniarlugit qulaajaasarnissaq paasiniaasarnissarlu.

Akiliutinik ingerlatitseqqittartut, akiliutit ingerlaarfiini akuusut, Kalaallit Nunaanni imaluunniit Danmarkimi suliffeqartut, akiliisup akiliutinillu tigusisussap akiliinermut kontop normui ani-ngaasanik nuussinermut ilanngullugit nassiussinnaavaat. Aningaasanilli nuussineq akiliutinut kontomit pingippat, nuussineq nuussinermut kinaassutsimik uppernarsaammik paatsuugassaannngitsumik ingiaqateqartinneqarsinnaalluni. Nuussinermut kinaassutsimik uppernarsaammik paatsuugassaannngitsumik oqarnermi naqinnerit, kisitsisit ilisarnaatilluunniit akuleriaaakkat pineqarput, akiliinermut akiliutinillu tunniussinermut periutsinut protokolit naapertorlugit akiliutini-gerlatitseqqittartumit aalajangersagaasut, imaluunniit nalunaaruteqarnermut periutsit ani-ngaasanik nuussinermut atorneqartartut, taakku atorlugu nuussineq akiliisumut uterluni akiliutinillu tigusisumut illinersior-

neqarsinnaammat. Tassalu aningaasanik nuussineq nunap iluani nuussinerruppat, tamatumunngaluunniit naligiissinneqarsinnaappat, ”killilimmik paasissutissat” ilanngullugit nassiunnissaannut tamatumani assigisaanik periarfissaqarpoq.

Inatsisinut atuuttunut naleqqiullugu allannguutit pingaarnersaraat, akiliutinik tiguisusaaq pillugu paasissutissat ilanngullugit nassiunneqarnissaat inatsisissatut siunnersuummi piumasaqaataammat. Tamanna akiliisup akiliutinillu tiguisusaaq akiliutinik ingerlatitseqqittartuinut, ingerlatitseqqeqataasuinullu qaavatiqut pisussaaffiliivoq, paasissutissat tamarmik piumasaqaataasut ilanngullugit nassiunneqarsimanissaat naammaginartumillu uppernarsarneqarsimanissaat taakkua qulakkeertussaammassuk. Inatsisit atuuttut malillugit akiliutinik tiguisusaaq pillugu paasissutissat pinnagit, akiliisorli pillugu paasissutissat kisimik ilanngullugit nassiunneqartarnissaat piumasaqaataavoq. Taamaalilluni allannguinnikkut paasissutissat suut ilanngullugit nassiunneqarnissaannut piumasaqaammik sukaterisoqarpoq, taamaaliornikkullu qunusiarinnilluni anguniagaqarnermut aningaasanik nuussisoqannginnissaa sakkortunerusumik qulakkeerneqarluni. Tamatuma saniatigut peqatigiiffinnut tamanut iluaqutaasunut aningaasanik nuussinertit ilaatinneqannginnissaannut periarfissaq ingerlateqqinneqanngilaq, aningaasanik nuussinermut peqqussutit aappaanni 150 EUR tikillugit tamanut iluaqutaasunik siunertalinnut aningaasanik nuussinermi paasissutissanik piumasaqaatit ilaatinneqannginnissaannut piumasaqaammit ilaatitaannginneq ingerlateqqinneqanngimmat.

Inatsisissatut siunnersuutikkut inunnik paasissutissat illersornissaat qitiutinneqarnerulerpoq. Taamaalilluni niueqatigiinnikkut attaveqatigiilersigani imaluunniit ilaanneeriarluni nuussinertit ingerlanneqalersinnagit, akiliutinik ingerlatitseqqittartup pisisartuni paasissutissanik inunnik paasissutissanik passussinermi siunertarineqartut tunniutissavai. Paasissutissat taakkua assersuutigalugu tassaasinaapput nalunaarsuinerumut akisussaasup kinaassusia. Tamatuma saniatigut paasissutissiissutigissavaa apeqqutit pinngitsoorani akisassaasersut imaluunniit nammineq piumassutsimik akisassaasersut, kiisalu akerliliinissamut pisinnaatitaaffeqartoqarnersoq imaluunniit taamaannginnersoq.

Inatsisit atuuttut malillugit allaffissornikkut kinguneqartitsinerit pineqaatissiinerillu tamanut saqqummiunneqarnissaat piumasaqaatigineqanngilaq, akissarsianilli malunnarunnaarsitsiniarneq pillugu peqqussutit sisamaat malillugu aningaasanik nuussinermut peqqussutit aappaanni piumasaqaataanera aalajangersagaavoq, aningaasarsianik malunnarunnaarsitsiniaaneq pillugu peqqussutit sisamaanni kinguneqartitsinerit tamanut saqqummiunneqarnissaat pillugu immikkoortortaq 60 naapertorlugu. Tamanut saqqummiussinissamut piumasaqaat akissarsianik malunnarunnaarsitsiniarneq pillugu inatsimmi aalajangersagaavoq, taannalu inatsisip matuma atuu-tilersinnerata peqatigisaanik kunngip peqqussutaatigut Kalaallit Nunaannut atuutilersinneqartussaalluni. Tamatuma saniatigut akissarsianik malunnarunnaarsitsiniarneq pillugu inatsimmi immikkut ittumik oqaaseqaatit inner-suussutigineqarput, tak. Folketingstidende 2016-17, ilaliusaaq A, L 41 saqqummiunneqartutuut.

Tamatuma saniatigut elektroniskiusumik aningaasanik nuussinertit pillugit FATF-ip kaammattuutaa nr. 16 siunnersuutikkut Kalaallit Nunaannut atuutilersinneqarpoq. Aningaasanik nuussinermi ilaatigut akiliisoq akiliutinillu tiguisoq pillugit paasissutissanik ingiaqateqartitsinissaaq kaammattuutikkut aalajangersarneqarpoq. Paasiuminartuunerup qulakkeernissaa aningaasanillu nuussinertit “illinersiorneqarsinnaanerisa” annertusinissaat kaammattuutikkut siunertaavoq.

3.2. Aningaasanik nuussinermut peqqussutit aappaat

Aningaasanik nuussinermut peqqussutit aappaat, inatsimmut ilanngussatut naqiterneqartussatut siunnersuutigineqartoq immikkoortortanik 27-nik, kapitalinut arfineq marlunnut agguarneqarsimasunik imaqarpoq. Aningaasanik malunnarunnaarsaasarneq aamma pinerliiniarnermik aningaa-salersuisarnermik pinaveersaartitsineq, paasisaqarnissaq paasiniaanissarlu peqqussutikkut siuner-taavoq.

Peqqussummi aalajangersakkat ataani immikkoortuaqqani allaaserineqarput, taakkunani peqqussutip kapitalinut immikkoortunullu immikkoortukkuutaarnera aallaavigineqarluni.

3.2.1. Kapitali I – Pineqartoq, atorineqarfia nassuiaatillu

(Immikkoortortat 1-3)

Peqqussummi kapitali 1, akiliisut akiliutinillu tiguisussat pillugit paasissutissat aningaasanik nuussinermi nunap sorliup aningaasai atorineqartut apeqqutaatinnagu, ilanngullugit nassiuuneqartussat pillugit maleruagassanik imaqarpoq, akiliutinik ingerlatitseqqittartut aningaasanik nuussinermut akuusut ilaat ikinnerpaamik ataaseq EU-mi sulippat. Tamanna isumaqarpoq aningaasanik nuussinerit, akiliutinik ingerlatitseqqittartunit imaluunniit akiliutinik ingerlatitseqqeqataasartunit EU-mi sulisunit nassiuuneqartut tiguneqartulluunniit pineqartut.

Akiliutinik ingerlatitseqqittartuq tassaavoq inuk imaluunniit inatsisitigut pisinnaatitaasoq pisussaati-taasorlu, taassumalu suliffeqarfiata aningaasanik nuussinermik suliaqarneq neqeroorutaasa ilagalugu. Taamaalilluni suliffeqarfiit pineqartut assertuutigalugu tassaapput aningaaseriviit aamma suliffeqarfiit aningaasanik nuussinermik suliffeqarfiusut. Aningaasanik nuussinermik neqeroorute-qartartut nakkutilliisoqarnissaata akuersissutigineqarnissaanik piumasaqaateqarfigineqarput.

Aningaasanik nuussinermi aningaasarsianik malunnarunnaarsitsiniarneq imaluunniit qunusaarinnikkut anguniagaqartunik aningaasalersuineq aarlerinaateqannginneruppat, aningaasanik nuussinerit aalajangersimasut atorineqarfissaannit ilaatinnginnissaannut peqqussut periarfissaqartitsivoq. Ilaatitsinninnissanut taamatut ittunut akiliutinut kortit, aningaasanut atortut elektroniskiusut, oqarasuaatit angallattakkat imaluunniit atortut digitaliusut IT-milluunniit atortut ilaasariaqarput, taakkunani siumoortumik kingumoortumilluunniit akiliinermut teknologi atorineqarsimappat, aamma taamaallaat nioqqutissanik sullissinernilluunniit pisinerni atorineqartartut assigisaanik ilisarnaateqarpata, nuussinerillu tamarluinnarmik kortip atortulluunniit normuanik ingiaqateqartinneqarpata.

Akiliutinulli korti, aningaasanut atortut elektroniskiusut, oqarasuaatit angallattakkat atortulluunniit digitaliusut imaluunniit IT-mik atortut, siumoortumik imaluunniit kingumoortumik akiliinermi teknologimik atuisut, assigisaannillu ilisarnaateqartut aningaasanik inummiit allamut nuussinermut atorineqarpata, taamatut aningaasanik inummiit inummut nuussinerit peqqussutip atorineqarfissaanut ilaassapput.

Aningaasanik nuussinernut, akileraarutininik, akiliisitaanernik akitsuutinilluunniit allanik akiliinernut, checkinik assilisanik paarlaaqatigiinneq atorlugu aningaasanik nuussinernut, ilanngullugit checkit imaluunniit akiitsunut uppernarsaatit kiisalu aningaasanik nuussinernut, akiliisoq akiliutinillu tiguisussaqaq akiliinermut ingerlatitseqqippat, namminerlu atini atorlugu iliuseqarpat, peqqussutip atorineqarfianut ilaassanngillat.

Aningaasanik nuussinert nalikitsut, ilanngullugit elektronik atorlugu girokkut akiliinerit, nioqqutissanik sullissinernilluunniit pisinermut atorneqartut ilaatinneqanngissinnaapput, aningaasanik nuussinerni akiliisup kinaanera uterfigalugu paasineqarsinnaanera piumasaqaatigalugu.

Naalagaaffiup ilaasortaasup nunami namminermi aningaasanik nuussinernut akiliutinik tiguisussap akiliutinut kontoanut, taamaallaat nioqqutissanik sullissinernilluunniit akiliinissamut atorneqarsinnaasumut akilerneqartunut peqqussutip matuma atorneqannginnissaa aalajangersinnaavaa, piumasaqaatit tulliuttut eqqortinneqarsimappata:

a) akiliutinik tiguisussap akiliutinik ingerlatitseqqittartua aningaasarsianik malunnarunnaarsitsinaaneq pillugu peqqussummut ilaappat

b) akiliutinik tiguisussap akiliutinik ingerlatitseqqittartuata nuussinermut kinaassutsimik uppernarsaat paatsuugassaangitsoq atorlugu akiliutinik tiguisussaq aqqutigalugu inummit nioqqutissanik sullissinernilluunniit tunniussinissamik akiliutinik tiguisussamik isumaqatigiissuteqarsimasumik aningaasanik nuussineq illinersiorsinnaappagu

c) aningaasanik nuussinermi aningaasat 1.000 EUR-init amerlanerunngippata.

3.2.2. – Kapitali II – Akiliutinik ingerlatitseqqittartut pisussaaffii

Akiliisup akiliutinillu tiguisussap akiliutinik ingerlatitseqqittartuisa kiisalu akiliutinik ingerlatitseqqeqataasartut pisussaaffii peqqussummi kapitali 2-p imarai.

3.2.2.1. Immikkoortortaq I – Akiliisup akiliutinik ingerlatitseqqittartuata pisussaaffii

(Immikkoortortat 4-6)

Aningaasanik nuussinert akiliisop akiliutinillu tiguisussaq pillugit paasissutissanik tamakkiisunik ingiaqateqartinneqanngissaa akiliisup akiliutinik ingerlatitseqqittartuata qulakkiissavaa. Akiliisop pillugu paasissutissanut tamakkiisunut ilaapput ateq, najugaq kiisalu akiliutinut kontop normua. Najugarli paasissutissanik allanik taarserneqarsinnaavoq, taakkununga ilaallutik akiliisup nammineq inuttut uppernarsaatit allakkianut normua, pisisartut kinaassutsimut uppernarsaatit normua imaluunniit ulloq inunngorfia. Akiliutinik tiguisussaq pillugu paasissutissanut tamakkiisunut ilaapput ateq akiliutinullu kontop normua.

Nuussinernut, akiliutinut kontomiit imaluunniit akiliutinut kontomut pinngitsunut, nuussineq akiliutinut kontonormunik pinnani nuussinermut kinaassutsimik uppernarsaassutaasinnaasunik paat-suugassaangitsunik ingiaqateqartinneqanngissaa akiliisup akiliutinik ingerlatitseqqittartuata qulak-kiissavaa, taamaalilluni nuussineq akiliisumut uterluni ”illinersiorneqarsinnaassammat”. Aningaasanik nuussineq akiliisup akiliutinut kontonormuanit ilanngaatigineqartinnaq akiliisup akiliutinik ingerlatitseqqittartuata paasissutissanik pissarsiffimmit arlaannaannulluunniit attuumassuteqanngitsumit paasissutissanik nakkutiginnissaq pisussaaffigaa.

Aningaasanik nuussinernut, akiliutinik ingerlatitseqqittartut tamarmik EU-mi suliffeqartillugit, akiliisop akiliutinillu tiguisussaq pillugit paasissutissanut akiliutinut kontonormut, imaluunniit nuussinermut kinaassutsimik paasissutaasinnaasoq paatsuugassaangitsoq, taakkuinnaatillugit ilaatinneqarsinnaapput. Akiliutinik tiguisussap akiliutinik ingerlatitseqqittartuata paasissutissanik tamanik pissarsinissaq kissaatigippagu, akiliisup akiliutinik ingerlatitseqqittartuata ullut suliffiusut pingasut qaangiutsinnagit paasissutissat taakkua atugassanngortissavai.

3.2.2.2. Immikkoortortaq II – Akiliutinik tiguisup akiliutinik ingerlatitseqqeqataasartuata pisussaaffii

(Immikkoortortat 7-9)

Aningaasanik nuussineq akiliisoq akiliutinillu tiguisoq pillugit paasissutissanik, peqqussummi pi-umasaqaatigineqartunik ingiaqateqartinneqarnerata paasinissaanut akiliutinik tiguisup akiliutinik ingerlatitseqqeqataasartuata pisussaaffigaa. Taamaanneratigut akiliutinik tiguisup akiliutinik ingerlatitseqqeqataasartua suleriaatsinik sunniuteqarluartunik eqquassinissamut pisussaaffeqarpoq, taamaallilluni akiliutinik tiguisup akiliutinik ingerlatitseqqeqataasartuata paasissutissat aningaasanik nuussinermit ingiaqatigitinneqartussat pillugit pi-umasaqaatit eqqortissinnaassammagit.

Akiliutinik tiguisup akiliutinik ingerlatitseqqeqataasartuata aningaasanik nuussinerit akiliutinik tiguisup akiliutinut kontoanut ikitinnagit, akiliutinik ingerlatitseqqeqataasartua 1.000 EUR sinnerlugit nuussinerni paasissutissanik nakkutilliinissaq pisussaaffigaa, taakkua ataasiakalaamik imaluunniit ar-laleriarluni ataqatigiippasissutut nuussinerunerat apeqqutaatinnagu.

Akiliutinik tiguisup akiliutinik ingerlatitseqqeqataasartuata paasiguniuk aningaasanik nuussineq paasissutissanik amigartunik imaluunniit tamakkiisuunngitsunik ingiaqateqartinneqartoq, akiliutinik tiguisup akiliutinik ingerlatitseqqeqataasartuata nuussineq itigartitsissutigissavaa imaluunniit akiliisoq akiliutinillu tiguisusaaq pillugu paasissutissanik inatsimmi pi-umasaqaatigineqartunik pi-umasaqaateqassalluni. Tamanna akulikitsumik pisarpat, akiliutinik tiguisup akiliutinik ingerlatitseqqeqataasartua aalajangersimasunik iliuseqassaaq, iliutsinut ilaasinnaallutik mianersoqqussutit imaluunniit piffissaliussamik aalajangersaanerit, kingornalu itigartitsisinnaalluni imaluunniit suleqatigiinneq ingerlaqqissanersoq unitsinneqassanersorluunniit aalajangersinnaallugu.

3.2.2.3. Immikkoortortaq III – Akiliutinik ingerlatitseqqeqataasartut pisussaaffii

(Immikkoortortat 10-13)

Akiliutinik ingerlatitseqqeqataasartuata tassavaoq akiliutinik ingerlatitseqqeqataasartuata, kisiannili akiliisoq akiliutinillu tiguisusaaq akiliutinik ingerlatitseqqeqataasartuata. Akiliutinik ingerlatitseqqeqataasartuata aningaasanik nuussinerup piviusunngortinneranut peqataasarpoq. Akiliutinik ingerlatitseqqeqataasartuata assersuutigalugu aningaaseriviusinnaavoq nuussinermit oqilisaasutut akunnermuliuttoq. Akiliisoq akiliutinillu tiguisoq pillugit paasissutissat, aningaasanik nuussinermit tiguneqartut tamarmik uninngasuutigineqarnissaat akiliutinik ingerlatitseqqeqataasartut isumagissa-vaat.

Aningaasanik nuussinermit paasissutissat pisariaqartinneqartut ilanngullugit nassiuunneqarsimanersut paasiumallugu akiliutinik ingerlatitseqqeqataasartuata suleriaatsinik pilersitsissaaq.

3.2.3 Kapitel III – Paasissutissat, paasissutissanik illersuisneq kiisalu nalunaarsukkanik toqqortaqarneq

(Immikkoortortat 14-16)

Akiliisoq pillugu paasissutissat saniatigut akiliutinik tiguisoq pillugu paasissutissat ukiuni tallimani toqqortaqarnissamik akiliutinik ingerlatitseqqeqataasartut peqqussut malillugu pisussaaffilerneqarput.

3.2.4. Kapitali IV – Kinguneqartitsineq aamma nakkutilliineq

(Immikkoortortat 17-22)

Naalagaaffiit ilaasortaasut peqqussummik unioqutitsinernut pillaaasarnermik inatsisitigut kinguneqartitsinerit pineqaatissiissutillu pillugit aalajangersakkanik aalajangersaanissamut peqqussut malillugu periarfissaqarput, ilanngullugu tamatuma piviusunngortinneqarsinnaanera qulakkeerniarlugu pillaatissiinerit pisariaqartinneqartut tamarmik iliuuserineqarsinnaapput, inatsisitigut pillaatissi-inermik aalajangersaanissamut pisussaaffiliinissamullu pinsinnaatitaaffik kalluanngikkaluarlugu.

3.2.5. Kapitali V – Piviusunngortitsinermut piginnaatitaanerit

(Immikkoortortaq 23)

Aningaasanik malunnarunnaarsaanermik aamma pinerliiniarnermik aningaasalersuineramik pina-veersaartitsineq pillugu immikkut ittumik ataatsimiititaliamit Kommissioni ikiorneqartarpoq. Ataat-simiititaliaq taanna tassaavoq ataatsimiititaliaq peqqussut (EU) nr. 182/2011-mi pineqartoq, pillugit malittarisassat suleriaatsillu naliginnaasut, qanoq statit ilaasortaasut Kommissionip piginnaatitaasup sulineranik nakkutiginnissanersut. EU-mi assigiissunik aalajangersagaqartoqarnissaa aalajangersakkat qulakkeerneqarpoq.

3.2.6. Kapitali VI – Pineqanngitsut

(Immikkoortortat 24-25)

Naalagaaffiup ilaasortap peqqussummi immikkoortortat 24 aamma 25 malillugit nunamik pingajuusumik imaluunniit nunap immikkoortuanik nunat TEU-p aamma TEUF-ip atorneqarfiata avataaniit-tunik isumaqatigiissuteqarnissaa Kommissionip piginnaatissinnaavaa, taakkua TEUF-imi immikkoortortaq 355-imi pineqarput, (»nuna nunalluunniit immikkoortua pineqartoq«). Peqqussummit matumanga pineqanngitsut immikkoortortaq 355-ip taassuma imarivai, taannalu malillugu nunap nunalluunniit immikkoortuata nunallu ilaasortaasup taassuma akornanni aningaasanik nuussinerit naalagaaffiit ilaasortaasut akornanni aningaasanik nuussinertut suliarineqarsinnaasunngorlugit.

Europami nakkutilliinermut oqartussat, European Supervisory Authorities, (ESA) immikkoortortaq 25 malillugu akiliutinik ingerlatitseqqittartunut maleruagassat suliarissavaat, taakkua imarissallugu aningaasanik nuussinermut peqqussutit aappaat naapertorlugu pineqaatissiissutit suut aalajangiunneqarsinnaanersut.

3.2.7. Kapitali VII – Naggasiutaasumik aalajangersakkat

(Immikkoortortat 26-27)

Aningaasanik nuussinermut peqqussutip siulliup atorunnaarsinneqarnissaa nunanilu EU-mut ilaasortaasut piffissaq atuutilerfissaq pillugu aalajangersakkat immikkoortortaq 26-p aamma 27-p imarivaat.

4. Pisortanut aningaasaqarnikkut kinguneri aamma atuutilersitsinerup kinguneri

Inatsisissatut siunnersuut Danmarkimut atuutissanngilaq, taamaattumik naalagaaffimmut, kommuninut nunallu immikkoortuinut kinguneri nalilersorneqanngillat.

5. Inuussutissarsiortunut il.il. aningaasaqarnikkut kinguneri aamma allaffissornikkut kinguneri

Inatsisissatut siunnersuut Danmarkimut atuutissanngilaq, taamaattumik inuussutissarsiortunut aningaasaqarnikkut kinguneri aamma allaffissornikkut kinguneri nalilersorneqanngillat.

6. Innuttaasunut allaffissornikkut kinguneri

Inatsisissatut siunnersuut Danmarkimut atuutissanngilaq, taamaattumik innuttaasunut aningaasaqarnikkut kinguneri nalilersorneqanngillat.

7. Avatangiisinut kinguneri

Inatsisissatut siunnersuut Danmarkimut atuutissanngilaq, taamaattumik avatangiisinut kinguneri nalilersorneqanngillat.

8. EU-mi inatsisinut pissutsit

Aalajangersakkat, aningaasanik nuussinermut peqqussutit aappaanni aalajangersakkat assigisaat inatsisissatut siunnersuutikkut Kalaallit Nunaannut piviusunngortinneqarput.

Aningaasaqarnermik suliffeqarfiit il.il. aningaasaqarnikkut inatsisinik, ilanngullugu inatsisinik EU-p inatsisaanik tunngaveqartunik, taakkua EU-p Eqqartuussivianit isumasiorneqarnerattut malitsiqarnerat Aningaasaqarnermik Nakkutilliisut nakkutilliinerminnut ilagitillugu nakkutigissavaat.

Aningaasaqarnermik suliffeqarfinnik il.il. nakkutilliineq Kalaallit Nunaata akisussaaffigilersimanngilaa. Tamanna isumaqarpoq Aningaasaqarnermik Nakkutilliisut Kalaallit Nunaanni aningaasaqarnermik suliffeqarfinnik il.il. nakkutilliisuusut. Inatsisissatut siunnersuutikkut matumuuna pissutsit tamakku allanngortinneqanngillat. Inatsisissatut siunnersuummi §§ 1 aamma 2-p kingunera-nik aningaasanik nuussinermut peqqussutit aappaannut atatillugu EU-mi Eqqartuussiviup suleriaasia – Kalaallit Nunaat EU-mut ilaasortaannikkaluartoq taamaalillunilu EU-mi Eqqartuussiviup aalajangigaanut pituttugaanani – Kalaallit Nunaanni aningaasaqarnermik suliffeqarfinnik il.il. Aningaasaqarnermik Nakkutilliisut nakkutilliinermut pingaaruteqarsinnaavoq, Aningaasaqarnermik Nakkutilliisut EU-mi Eqqartuussiviup suleriaasiata malitsigisaanik nakkutilleeriaaseq kalaallit suliffeqarfiinut atortussaammasuk.

9. Oqartussat suleqatigiiffiillu il.il. tusarniaaffigineqartut

Inatsisissatut siunnersuummut missingiut piffissami 25. januar 2019-imiit 8. februar 2019-imut oqartussaqaqarfinnut kattuffinnullu ukununga tusarniaassutigineqarpoq: Naalagaaffiup Sinniisoqarfia, Namminersorlutik Oqartussat GrønlandsBANKEN.

Inatsisissatut siunnersuut Danmarkimi tusarniaassutigineqanngilaq, inatsisissatut siunnersuut Danmarkimi atorineqartussaannngimmat.

10. Eqikkaaffiusumik immersugaq

	Kinguneri pitsaasut/aningaasartuutit ikinnerit (angeruit, annertussusaa taa-juk/naaggaaruit allaguk (»Soqanngilaq«))	Kinguneri pitsaanngitsut/aningaasartuutit amerlanerit (angeruit, annertussusaa taa-juk/naaggaaruit allaguk (»Soqanngilaq«))
Naalagaaffimmut, kommuninut nunallu immikkoortuinut aningaasaqarnikkut kinguneri	Inatsisissatut siunnersuut Danmarkimi atuutinngilaq, taamaattumik naalagaaffimmut, kommuninut regioninullu aningaasaqarnikkut kingunissat nalilersorneqanngillat.	Inatsisissatut siunnersuut Danmarkimi atuutinngilaq, taamaattumik naalagaaffimmut, kommuninut regioninullu aningaasaqarnikkut kingunissat nalilersorneqanngillat.

Atuutilersitsinerup naalagaaffimmut, kommuninut nunallu immikkoortuinut kinguneri	Inatsisissatut siunnersuut Danmarkimi atuutinngilaq, taamaattumik naalagaaffimmut, kommuninut regioninullu kingunissat nalilersorneqanngillat.	Inatsisissatut siunnersuut Danmarkimi atuutinngilaq, taamaattumik naalagaaffimmut, kommuninut regioninullu kingunissat nalilersorneqanngillat.
Inuussutissarsior-tunut aningaasaqarnikkut kinguneri	Inatsisissatut siunnersuut Danmarkimi atuutinngilaq, taamaattumik inuussutissarsior-tunut aningaasaqarnikkut kingunissat nalilersorneqanngillat.	Inatsisissatut siunnersuut Danmarkimi atuutinngilaq, taamaattumik inuussutissarsior-tunut aningaasaqarnikkut kingunissat nalilersorneqanngillat.
Inuussutissarsior-tunut allaffisornikkut kinguneri	Inatsisissatut siunnersuut Danmarkimi atuutinngilaq, taamaattumik inuussutissarsior-tunut allaffisornikkut kingunissat nalilersorneqanngillat.	Inatsisissatut siunnersuut Danmarkimi atuutinngilaq, taamaattumik inuussutissarsior-tunut allaffisornikkut kingunissat nalilersorneqanngillat.
Avatangiisinut kinguneri	Inatsisissatut siunnersuut Danmarkimi atuutinngilaq, taamaattumik avatangiisinut kingunissat nalilersorneqanngillat.	Inatsisissatut siunnersuut Danmarkimi atuutinngilaq, taamaattumik avatangiisinut kingunissat nalilersorneqanngillat.
EU-mi inatsisinut pissutsit	<p>Aalajangersakkat, aningaasanik nuussinermut peqqussutit aappaanni aalajangersakkat assigisaat inatsisissatut siunnersuutikkut Kalaallit Nunaannut piviusunngortinneqarput.</p> <p>Aningaasaqarnermik suliffeqarfiit il.il. aningaasaqarnikkut inatsisunik, ilanngullugu inatsisunik EU-p inatsisaanik tunngaveqartunik, taakkua EU-p Eqqartuussivianit isumasiorneqarnerattut malitsinerat Aningaasaqarnermik Nakkutilliisut nakkutil-liinermi ilagitillugu nakkutigissavaat.</p> <p>Kalaallit Nunaat EU-mut ilaasortaangikkaluartoq taamaalil-lunilu aningaasanik nuussinermut peqqussutit aappaannut atatil-lugu EU-mi Eqqartuussiviup aalajangigaanut pituttugaanani – Kalaallit Nunaanni aningaasaqarnermik suliffeqarfinnik il.il. Aningaasaqarnermik Nakkutilliisut nakkutilliinerannut pingaru-teqarsinnaavoq, Aningaasaqarnermik Nakkutilliisut EU-mi Eqqartuussiviup suleriaasiata malitsigisaanik nakkutilleeriaaseq kalaallit suliffeqarfiinut atortussaammassuk.</p>	
EU-mi maleruagassat inuussutisarsiornermut sammititat atuutilersinnerinut tunngavinnut tallimaasunut akerliupput.	AAP	NAAMIK X

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Aningaasanik nuussinermi paasissutissat ilanngullugit nassiunneqartussat pillugit Europa-Parlamentip Rådillu peqqussutaanni 2015/847/EU-mi, aamma peqqussummik 1781/2006/EF-imik atorunnaarsitsineq (aningaasanik nuussinermut peqqussutit aappaat), aalajangersakkat Kalaallit Nunaannut atuutissasut § 1-imi siunnersuutigineqarpoq.

Inatsisissatut siunnersuutip akuersissutigineqarneratigut aningaasanik nuussinermut peqqussutit aappaat inatsimmut ilanngussatut akuersissutigineqassaaq, taamaalillunilu inatsisitut sunniuteqalissalluni.

Aningaasanik nuussinermut peqqussutit aappaanni aningaasanik nuussinermi paasissutissat ilanngullugit nassiunneqartussat pillugit piumasaqaatit aalajangersarneqarput. Akiliisup akiliutinik ingerlatitseqqittartuanut, akiliutinik tiguisussap akiliutinik ingerlatitseqqittartuanut ingerlatitseqqeqataasartuanullu pisussaaffiit peqqussummut ilaapput. Tamatuma saniatigut paasissutissanut, paasissutissanik illersuinnermut, toqqorsiveqarnermut nalunaarsuinnermullu piumasaqaatit aalajangersarneqarput, kiisalu kinguneqartitsinnermut aamma nakkutilliinnermut maleruagassat aalajangersarneqarlutik.

Tamatuma saniatigut inatsisit atuuttut inatsisissatullu siunnersuutip imai pillugit oqaaseqaatini nalinginnaasuni kapitali 2 aamma 3 innersuussutigineqarput.

§ 2-mut

Peqqussummi aalajangersakkat qanoq atorneqarnissaannut inuussutissarsiornermut ministeri Kalaallit Nunaannut maleruagassanik aalajangersaasinnaassasoq § 2-mi siunnersuutigineqarpoq, Kalaallit Nunaanni pissutsit pisariaqartitaannik aalajangersakkanik allannguinerit ilanngullugit aalajangersarsinnaassallugit.

Aningaasanik nuussinermut peqqussutit aappaanni aalajangersagassatut siunnersuutikkut tigussaasumik aalajangersakkat avaqqunneqarsinnaanerat inatsisitigut tunngavissinneqanngilaq, taamaallaalli Kalaallit Nunaanni pissutsit pisariaqartitaannik allannguinnissamut piginnaatitsilluni. Aningaasanilli nuussinermut peqqussutit aappaata kinguneranik avaqqutsinissamut periarfissanut tamanna atuutinngilaq.

Kalaallit Nunaanni inuiaqatigiit aqqissugaanerat ilusaallu il.il. Danmarkimi EU-milu nunat sinnerini pissutsinit allaanerupput. Taamaattumik aningaasanik nuussinermut peqqussutit aappaanni aalajangersakkat Kalaallit Nunaanni pissutsinut tulluarsarneqarnissaat siunertaralugu inuussutissarsiornermut ministerip allaffissornikkut najoqqutassanik aalajangersaasinnaaneranut inatsisitigut tunngavissinissaq anguniarlugu aalajangersakkap ilanngunneqarnissaa siunnersuutigineqarpoq.

Kalaallit Nunaanni pissutsinut tulluarsaanerit Kalaallit Nunaanni oqartussat aqqissugaanerannut allaavittut sammititaassapput, aammattaq Kalaallit Nunaanni pissutsit Danmarkimi pissutsinit allaa-

nerusut immikkut siunnerfigalugit. Aalajangersakkamili piginnaatitaaffik aamma oqartussat aaqqisugaanerannut tunngasuunngitsunut atatillugu aamma atorneqarsinnaavoq, ilanngullugu assersuutigalugu suleriaatsinut, Danmarkimi suleriaatsinit allaanerusunut, Kalaallit Nunaanni pissutsinik tunngaveqartunut atorneqarsinnaassalluni. Naleqqussaaneq naleqqussaanernut kunngip peqqusutaannik suliarinnilluni ingerlanneqartartunut assersuunneqarsinnaavoq, tamatumani Danmarkimi inatsisitigut maleruagassat Kalaallit Nunaanni pissutsinut naleqqussarneqartarmata, taamaalilluni maleruagassat Kalaallit Nunaanni atorneqarsinnaasunngortillugit.

Savalimmiuni pissutsinut naleqqussaanerit allaffissornikkut najoqqutassatut ilusilerlugit suliarineqar-nissaat tulluurtuuvuq. Naleqqussaanerit taakkua annerusumik teknikkimut tunngasuunerat tamatu-munnga tunngavilersuutaavoq, taamaalilluni allannguinerit naleqqussaanerillu tamakkua sukka-sumik eqaatsumillu ingerlanneqarsinnaasarlutik. Aammattaaq Kalaallit Nunaanni pissutsinut naleqqussaanerit aningaasanik nuussinermut peqqussutit aappaanni aalajangersakkat suleriaatsikkut qanoq atorneqarnerannik pisariaqartitamik misilittagaqalerneq ilutigalugu ataavartumik inger-lanneqarsinnaanerit tulluurtuuvuq.

Allaffissornikkut najoqqutassat Kalaallit Nunaannut atuuttussat aalajangersarlugit suliarineqarnerisa kingunerannik, allaffissornikkut najoqqutassat suliarineqarnerisa nalaanni kalaallit oqartussaasu-inut tusarniaassutigineqartassapput. Taamaalilluni aningaasanik nuussinermut peqqussutit aappaanni aalajangersakkanik naleqqussaaneq kalaallit oqartussaasui suleqatigalugit pisassaaq, taamaalilluni aningaasanik nuussinermut peqqussutit aappaanni aalajangersakkat Kalaallit Nunaanni tulluarnerpaa-mik atorneqarsinnaaqqullugit.

§ 3-mut

Inatsisitigut pisinnaatitaasut pisussaataitaasullu pineqaatissinneqarlutik akisussaaffilerneqarsinnaane-rat akisussaaffimmik inissiinermut tunngaviit nalinginnaasut atorlugit pisassaaq.

Aningaasanik nuussinermut peqqussutit aappaanni immikkoortortanik arlalinnik unioqqutitsinerit Kalaallit Nunaanni pinerluttulerinermik inatsit malillugu akiliisitaanermik pineqaatissiissutaasin-na-assasut *imm. 1*-imi siunnersuutigineqarpoq.

Aningaasanik nuussinernut peqqussutit aappaanni immikkoortortat ataasiakkaat pillugit ataani oqaaseqaatit allaaserineqarput.

Aningaasanik nuussinernut peqqussuit aappaanni immikkoortortaq 4:

Aningaasanik nuussinermi akiliuteqartup aqqa, akiliutteqartup akiliutinut kontonormua, aamma akiliuteqartup najugaa pillugit paasissutissat kiisalu uppernarsaatitut allakkiat inun-nut namminermut tunngasut, pisisartup kinaassutsimut uppernarsaataata normua imaluunnit ulloq inunngorfia inunngorfialu sumiiffia pillugit paasissutissat pisortatigoortut ilanngullugit nassiunneqar-nissaat akiliuteqartup akiliutinik ingerlatitseqqittartuata immikkoortortaq 4, *imm. 1* naapertorlugu qulakkeertussaavaa.

Oqaatigineqassaarli immikkoortortaq 6, imm. 1-imi aalajangersarneqarmat batchfili atorlugu nuussinerit akiliisumit ataasiusumeersut, akiliutinik tiguisussap akiliutinik ingerlatitseqqittartua EU-p avataani suliffeqartillugu, nuussinernut ataasiakkaanut tamatumunnga katersuunneqarsimasunut immikkoortortaq 4, imm. 1 atorneqassanngimmat, batchfili paasissutissanik immikkoortortaq 4, imm. 1, 2 aamma 3-mi pineqartunik imaqarpat, paasissutissallu immikkoortortaq 4, imm. 4 aamma 5 naapertorlugit nakkutigineqarsimappata, nuussinerillu akiliisup akiliutinut kontonormuanik imaqarlutik, immikkoortortarluni 4, imm. 3 atorneqarpat nuussinermut kinaassutsimik paasinninnissamut paatsuu-gassaanngitsumik imaqarluni.

Immikkoortortaq 4, imm. 1-istik unioqutitsinermit akisussaatitaasoq tassaavoq akiliisup akiliuti-nik ingerlatitseqqittartua, iliuuserlu pillaatissiissutaasinnaangortarpoq akiliisoq pillugu paasissutis-sat ilanngullugit nassiunneqarnissaat qulakkeerneqanngippat. Aningaasanik nuussinermut peqqus-summi immikkoortortaq 4, imm. 1-istik unioqutitsinermit akiliisitaanermik aallaavittut ki-nguneqartariaarpoq.

Akiliisup akiliutinik ingerlatitseqqittartuata aningaasanik nuussinermi akiliutinik tiguisussap aqqa akiliutinullu kontonormua pillugit paasissutissat ilanngullugit nassiunneqarnissaat qulakkiisagaa im-mikkoortortaq 4, imm. 2-mi aalajangersarneqarpoq.

Immikkoortortaq 4, imm. 2-mik unioqutitsinermit akisussaatitaasoq tassaavoq akiliisup akiliutinik ingerlatitseqqittartua, iliuuserlu pillaatissiissutaasinnaangortarpoq akiliisoq pillugu paasissutissat ilanngullugit nassiunneqarnissaat qulakkeerneqanngippat. Aningaasanik nuussinermut peqqussummi immikkoortortaq 4, imm. 2-mik unioqutitsinermit akiliisitaanermik aallaavittut kinguneqassasoq si-unnersuutigineqarpoq.

Nuussinerit akiliutinut kontomeersut imaluunniit akiliutinut kontomukartut akiliutinut kontonormu-mik imaluunniit akiliutinut kontonormunik pinnatik kinaassutsimik uppernarsaammik paatsuugas-saanngitsumik ingiaqateqartinnissaat akiliutinik ingerlatitseqqittartup isumagissagaa immikkoortor-taq 4, imm. 3-mi aalajangersarneqarpoq. Kinaassutsimik uppernarsaammik paatsuugassaanngitsumik oqarnermi naqinnerit, kisitsisit ilisarnaatilluunniit akuleriiaartut, aningaasanik nuussinerit ingerlan-nissaannut atorneqartussat eqqarsaatigineqarput, taakkunatigut nuussineq akiliisumut aamma aki-liutinik tiguisumut uterluni illinersiorneqarsinnaammat, tak. peqqussummi immikkoortortaq 3, nr. 11.

Immikkoortortaq 4, imm. 3-mik unioqutitsinermit akisussaatitaasoq tassaavoq akiliutinik inger-latitseqqittartuq, iliuuserlu pillaatissiissutaasinnaangortarpoq nuussineq nuussinermi kinaassutsimik uppernarsaammik paatsuugassaanngitsumik ingiaqateqartinnissaa akiliutinik ingerlatitseqqittartup isumaginngippagu. Aningaasanik nuussinermut peqqussummi immikkoortortaq 4, imm. 3-mik uni-oqutitsinermit akiliisitaanermik aallaavittut kinguneqassasoq siunnersuutigineqarpoq.

Immikkoortortaq 4, imm. 4-mi aalajangersarneqarpoq, akiliisup akiliutinik ingerlatitseqqittartuata, aningaasat nuutsinnagit paasissutissat immikkoortortaq 4, imm. 1-imi pineqartut uppernarsaatitut al-lakkiaat, paasissutissat imaluunniit paasissutissat paasissutissanik pissarsiffimmit tatiginartumit aamma arlaannaannulluunniit attuumassuteqanngitsumit pineqartut tunuliaqutaralugit eqqortuunersut immikkoortortaq 4, imm. 4 malillugu nakkutigissagaa.

Immikkoortortaq 4, imm. 4-mik unioqqutitsinermi akisussaatitaasoq tassaavoq akiliisup akiliutinik ingerlatitseqqittartua, iliuuserlu pillaatissiissutaasinnaannngortarpoq paasissutissat ilanngullugit nas-siunneqartut paasissutissanik tatiginartumit aamma arlaannaannulluunniit attuumassuteqanngitsumit pineqartut tunuliaqutaralugit eqqortuunersut akiliutinik ingerlatitseqqittartup nakkutigisi-mannngippagu. Aningaasanik nuussinermut peqqussummi immikkoortortaq 4, imm. 4-mik unioqqutit-sinermi akiliisitaanermik aallaavittut kinguneqassasoq siunnersuutigineqarpoq.

Misissuineq imm. 4-mi pineqartoq akiliisup kinaassusaa misissorneqarsimagaangat naammassi-neqarsimasutut isigineqartartoq immikkoortortaq 4, imm. 5-imi aalajangersarneqarpoq.

Immikkoortortaq 4, imm. 5-istik unioqqutitsinermi akisussaatitaasoq tassaavoq akiliisup akiliutinik ingerlatitseqqittartua, iliuuserlu pillaatissiissutaasinnaannngortarpoq nakkutilliisoqarsimannngippat. Aningaasanik nuussinermut peqqussummi immikkoortortaq 4, imm. 5-mik unioqqutitsinermi akilii-sitaanermik aallaavittut kinguneqassasoq siunnersuutigineqarpoq.

Akiliisup akiliutinik ingerlatitseqqittartuata immikkoortamut tassunga tamakkiisumik naapertuun-nersut qulakkeereersimatinnagu akiliutinik ingerlatitseqqittartup aningaasanik nuussineq pivi-usunngortissannngilaa, taamaattoq tak. immikkoortortat 5-imi aamma 6-imi pineqanngitsut.

Immikkoortortaq 4, imm. 6-istik unioqqutitsinermi akisussaatitaasoq tassaavoq akiliisup akiliutinik ingerlatitseqqittartua, iliuuserlu pillaatissiissutaasinnaannngortarpoq immikkoortortaq 4-mut tamakki-isumik naapertuuttuunersut qulakkeertinnagu aningaasanik nuussineq piviusunngortinneqarpat. Aningaasanik nuussinermut peqqussummi immikkoortortaq 4, imm. 5-istik unioqqutitsinermi akilii-sitaanermik aallaavittut kinguneqassasoq siunnersuutigineqarpoq.

Aningaasanik nuussinermut peqqussutit aappaanni immikkoortortaq 5:

Akiliutinik ingerlatitseqqittartut akiliutit ingerlaarfiini akuusut tamarmik EU-mi suliffeqarpata, aningaasanik nuussineq, immikkoortortaq 4, imm. 1 aamma 2 apeqqutaatinnagit, akiliisup aamma akiliutinik tiguisussap akiliutinut kontonormuinik ingiaqateqartinneqassasut, imaluunniit immik-koortortaq 4, imm. 3 atorreqartillugu kinaassutsimik uppersaammik paatsuugassaannngitsumik in-giaqateqartinneqarnissaat, immikkoortortaq 5, imm. 1-imi aalajangersarneqarpoq.

Immikkoortortaq 5, imm. 1-istik unioqqutitsinermi akiliutinik ingerlatitseqqittartut akiliutit inger-laarfiini akuusut tamarmik akisussaatitaassapput, iliuuserlu pillaatissiissutaasinnaannngortarpoq anin-gaasanik nuussineq akiliisup aamma akiliutinik tiguisup minnerpaamik kontonormuinik ingi-aqateqartinneqanngippat, imaluunniit immikkoortortaq 4, imm. 3 atorreqarpat nuussinermi kinaas-sutsimik paasinnissutaasoq paatsuugassaannngitsaq ilanngunneqanngippat. Aningaasanik nuussin-ermut peqqussutit aappaanni immikkoortortaq 5, imm. 1-istik unioqqutitsinermi akiliisitaanermik aal-laavittut kinguneqassasoq siunnersuutigineqarpoq.

Imm. 1 apeqqutaatinnagu, 1.000 EUR sinnerlugit aningaasanik nuussinerni, nuussineq ataasiakalaa-mik nuussineruppat imaluunniit nuussinerit arlaliliuppata imminnut ataqatigiippasillutik, akiliutinik

tiguisussap akiliutinik ingerlatitseqqittartuata imaluunniit akiliutinik ingerlatitseqqeqataasartuata akiliisup akiliutinik ingerlatitseqqittartuanut paasissutissanik qinnuteqarnerata kingorna akiliisup akiliutinik ingerlatitseqqittartuata ullut suliffiusut pingasut qaangiutsinnagit akiliisooq imaluunniit akiliutinik tiguisussaq pillugu paasissutissat immikkoortortaq 4 naapertorlugu atugassiissutigissagai immikkoortortaq 5, imm. 2-mi aalajangersarneqarpoq. Aningaasanik 1.000 EUR sinnernagit nuussinerni, aningaasanik nuussinernut allanut ataqatigiippasittuunngitsunut, nuussinermut pineqartumut kattullutik 1.000 EUR sinnersimappatigit, minnerpaamik akiliisup aqqa, akiliutinik tiguisussap aqqa kiisalu akiliisup aamma akiliutinik tiguisussap akiliutinut kontonormua paasissutissiissutigineqassaput, imaluunniit immikkoortortaq 4, imm. 3 atorneqarpat, nuussinermi kinaassutsimik paasissutissaq paatsuugassaanngitsoq paasissutissiissutigineqassaaq.

Immikkoortortaq 5, imm. 2-mik unioqqutitsinermi akiliisup akiliutinik ingerlatitseqqittartua akisussaataaassaaq, iliuuserlu pillaatissiissutaasinnaangortarpoq akiliutinik ingerlatitseqqittartup ullut suliffiusut pingasut iluanni paasissutissat atugassiissutiginnippagit. Aningaasanik nuussinermut peqqussutit aappaanni immikkoortortaq 5, imm. 2-mik unioqqutitsinermi akiliisitaanermik aallaavittut kinguneqassasoq siunnersuutigineqarpoq.

Imm. 2 litra b-mi aningaasanik nuussinerni pineqartuni, immikkoortortaq 4, imm. 4 apeqqutaatinagu, akiliisooq pillugu paasissutissanik misissuinissamut akiliisup akiliutinik ingerlatitseqqittartuata pisussaaffeqanninneranut immikkoortortaq 5, imm. 3 tunngasuuvoq, akiliisup akiliutinik ingerlatitseqqittartuata aningaasat nuunneqartussat aningaasanngorlugit tigusimagaluarpagit, imaluunniit aningaasat elektroniskiusumik tigusimagaluarpagit, imaluunniit aningaasanik malunnarunnaarsitsiniaasoqartoqarneranik imaluunniit pinerliiniarnermik aningaasalersuisoqarneranik naammaginnartumik tunngavissaqartumik pasitsaassisoqarsimagaluarpat.

Immikkoortortaq 5, imm. 3-mik unioqqutitsinermi akiliisup akiliutinik ingerlatitseqqittartua akisussaataaassaaq, iliuuserlu pillaatissiissutaasinnaangortarpoq akiliisooq pillugu paasissutissat nakkutigineqarsimannippata. Aningaasanik nuussinermut peqqussutit aappaanni immikkoortortaq 5, imm. 3-mik unioqqutitsinermi akiliisitaanermik aallaavittut kinguneqassasoq siunnersuutigineqarpoq.

Aningaasanik nuussinermut peqqussutit aappaanni immikkoortortaq 6:

Akiliisumit ataasiinnaasumit batchfilimik nuussinermi akiliutinik tiguisussat akiliutinik ingerlatitseqqittartui EU-p avataani suliffeqarpata, nuussinernut ataasiakkaanut tassunga katersuussimasunut immikkoortortaq 4, imm. 1 atorneqassanngitsoq immikkoortortaq 6, imm. 1-imi aalajangersarneqarpoq, batchfili paasissutissanik immikkoortortaq 4, imm. 1, 2 aamma 3-mi pineqartumik imaqarpat, paasissutissallu immikkoortortaq 4, imm. 4 aamma 5 naapertorlugit nakkutigineqarsimappata, nuusinerillu ataasiakkaat akiliisup akiliutinut kontonormuanik imaqarpata, imaluunniit immikkoortortaq 4, imm. 3 atorneqarpat nuussineq kinaassutsimik paasinnissutaasumik paatsuugassaanngitsumik imaqarpat.

Immikkoortortaq 6, imm. 1-imi unioqqutitsinermi akiliisooq akisussaataaassaaq, iliuuserlu pillaatissiissutaasinnaangortarpoq piunasaqaatit taaneqartut eqqortinneqannippata. Aningaasanik nuussinermut peqqussutit aappaanni immikkoortortaq 5, imm. 3-mik unioqqutitsinermi akiliisitaanermik aallaavittut kinguneqartariaqartoq siunnersuutigineqarpoq.

Akiliutininik tiguisussap akiliutininik ingerlatitseqqittartua EU-p avataani suliffeqarpat, 1.000 EUR sinnernagit aningaasanik nuussinert, aningaasanik nuussinernut allanut, nuussinermut pineqartumut kattullutik 1.000 EUR-inik qaangiippata, immikkoortortaq 4, imm. 1 apeqquataatinnagu, aamma atuumassuteqarfiini, tamanna paasissutissanik, akiliisup aamma akiliutininik tiguisup aqqinik aamma akiliisup akiliutinillu tiguisup akiliutinut kontonormuinik ilanngullugit nassiunneqartunik paasissutissartaqassasut immikkoortortaq 6, imm. 2-mi aalajangersarneqarpoq, imaluunniit immikkoortortaq 4, imm. 3 atorneqarpat, nuussinermi kinaassutsimik paasinnissutaasumik ilanngullugu nassiussisoqassalluni.

Akiliisup akiliutininik ingerlatitseqqittartuata immikkoortortaq 4, imm. 4 apeqquataatinnagu akiliisoq pillugu paasissutissanik pineqartunik misissuinissaq pisussaaffiginngilaa, akiliisup akiliutininik ingerlatitseqqittartuata aningaasat nuunneqartussat aningaasannorlugit imaluunniit aningaasanik elektrowniskiusumik kinaassutsimik isertuussisumik tiguisimangippagit, imaluunniit aningaasanik malunnarunnaarsitsiniaasoqarneranik imaluunniit pinerliiniarnermik aningaasalersuisoqarneranik naamma-ginartumik tunngavissaqartumik pasitsaassisoqarsimangippat.

Immikkoortortaq 6, imm. 2-mik unioqqutitsinermi akiliisup akiliutininik ingerlatitseqqittartua akisusaatitaassaaq, iliuuserlu pillaatissiissutaasinnaangortarpoq paasissutissat ilanngullugit nassiunneqartut amigaateqarpata nakkutigineqarsimanatillu. Aningaasanik nuussinermut peqqussutit aappaanni immikkoortortaq 6, imm. 2-mik unioqqutitsinermi akiliisitaanermik aallaavittut kinguneqartariaqartoq siunnersuutigineqarpoq.

Aningaasanik nuussinermut peqqussutit aappaanni immikkoortortaq 7:

Akiliutininik tiguisussap akiliutininik ingerlatitseqqittartuata akiliisoq akiliutinillu tiguisussaq pillugit paasissutissanik nalunaaruteqarnermut imaluunniit akiliinermut ingerlatitseqqinnermullu im-mersugassat isumaqatigiissut pineqartoq naapertorlugu naqinnernik paasissutissanillu imaqarnera paasiniarlugu suleriaatsit aningaasanik nuussinermut atorneqartut sunniuteqarluartut eqqunnissaat immikkoortortaq 7, imm. 1 malillugu pisussaaffigaa.

Immikkoortortaq 7, imm. 1-imik unioqqutitsinermi akiliutininik tiguisup akiliutininik ingerlatitseqqit-tartua akisusaatitaassaaq, iliuuserlu pillaatissiissutaasinnaangortarpoq suleriaatsit sunniuteqarlu-artut eqqunneqangippata. Aningaasanik nuussinermut peqqussutit aappaanni immikkoortortaq 7, imm. 1-imik unioqqutitsinermi akiliisitaanermik aallaavittut kinguneqartariaqartoq siunnersuutigi-neqarpoq.

Immikkoortortaq 7, imm. 2 malillugu akiliutininik tiguisussaq suleriaatsinik sunniuteqarluartunik eqqussissaaq, ilanngullugit kingusinnerusukkut nakkutilliinissamut imaluunniit piffissami nakkutil-liinermut atorneqartussanik, taamaasilluni akiliisup akiliutininik ingerlatitseqqittartua EU-mi sulif-feqarpat. immikkoortortaq 5-imi piumasaqaatit naapertorlugit imaluunniit akiliutininik tiguisussap akiliutininik ingerlatitseqqittartua EU-p avataani suliffeqarpat immikkoortortaq 4, imm. 1 aamma 2 ma-lillugit akiliisoq akiliutinilluunniit tiguisussaq pillugu paasissutissanik piumasaqaataasunik imaqar-nersoq paasisinnaajumallugu.

Immikkoortortaq 7, imm. 2-mik unioqqutitsinermi akiliutinik tiguisussap akiliutinik ingerlatitseqqittartua akisussaatitaassaaq, iliuuserlu pillaatissiissutaasinnaangortarpoq suleriaatsinik sunniuteqarluartunik, ilanngullugu nakkutilliinermik eqqussisoqanngippat. Aningaasanik nuussinermut peqqussutit aappaanni immikkoortortaq 7, imm. 2-mik unioqqutitsinermi akiliisitaanermik aallaavitut kinguneqartariaqartoq siunnersuutigineqarpoq.

Aningaasanik 1.000 EUR sinnerlugit nuussinerni, taakku ataasiakalaamik nuussineruppata imaluunniit arlaleriarlutik nuussineruppata imminnut ataqatigiippasillutik, akiliutinik tiguisussap akiliutinik ingerlatitseqqittartuata akiliutinik tiguisussap akiliutinut kontoanut ikisitinnani, imaluunniit akiliutinik tiguisussamut aningaasat atugassanngortinneqartinnagit, akiliutinik tiguisussaq pillugu paasissutissat immikkoortortami tassani imm. 2-mi pineqartut eqqortuunersut nakkutigissavaa, uppernarsaatitut allakkiat, paasissutissalluunniit paasissutissanik pissarsiffimmit tutsuiginartumit aamma arlaannaannulluunniit attuumassuteqanngitsuminngaaneersut tunngavigalugit.

Immikkoortortaq 7, imm. 3-mik unioqqutitsinermi akiliutinik tiguisussap akiliutinik ingerlatitseqqittartua akisussaatitaassaaq, iliuuserlu pillaatissiissutaasinnaangortarpoq immikkoortortaq 7, imm. 2 malillugu paasissutissat nakkutigineqanngippata. Aningaasanik nuussinermut peqqussutit aappaanni immikkoortortaq 7, imm. 3-mik unioqqutitsinermi akiliisitaanermik aallaavitut kinguneqartariaqartoq siunnersuutigineqarpoq.

Immikkoortortaq 7, imm. 4-mi aalajangersarneqarpoq, aningaasanik 1.000 EUR inorlugit nuussinerni, taakkua aningaasanik nuussinernut allanut kattullugit 1.000 EUR-init amerlanerusunut ataqatigiippasinnngippata, akiliutinik tiguisussap akiliutinik ingerlatitseqqittartuata akiliutinik tiguisussaq pillugu paasissutissat eqqortuunersut misissussallugit pisussaaffiginngilaa, akiliutinik tiguisussap akiliutinik ingerlatitseqqittartuata aningaasat aningaasannorlugit imaluunniit aningaasat kinaassutimik isertuussilluni elektroniskiusumik tunniunneqanngippata, imaluunniit aningaasarsiarnik malunnarunnaarsitsiniaanermik imaluunniit qunusiarinnilluni anguniagaqartunik aningaasalersuiner-mik naammaginartumik tunngavilersugaasumik pasitsaassaqaanngikkuni.

Immikkoortortaq 7, imm. 4-mik unioqqutitsinermi akiliutinik tiguisussap akiliutinik ingerlatitseqqittartua akisussaatitaassaaq, iliuuserlu pillaatissiissutaasinnaangortarpoq akiliutinik tiguisussaq pillugu paasissutissat nakkutigineqanngippata, aningaasat aningaasannorlugit tunniunneqarpata imaluunniit aningaasarsiarnik malunnarunnaarsitsiniaanermik imaluunniit qunusiarinnilluni anguniagaqartunik aningaasalersuiner-mik naammaginartumik tunngavilersugaasumik pasitsaassaqaanngikkuni. Aningaasanik nuussinermut peqqussutit aappaanni immikkoortortaq 7, imm. 4-mik unioqqutitsinermi akiliisitaanermik aallaavitut kinguneqartariaqartoq siunnersuutigineqarpoq.

Nakkutilliineq immikkoortortaq 7, imm. 3-mi 4-milu pineqartoq akiliisup kinaassusaa nakkutigineqarsimagaangat naammassineqarsimasutut isigineqartartoq immikkoortortaq 7, imm. 5-imi aalajangersarneqarpoq.

Aningaasanik nuussinermut peqqussutit aappaanni immikkoortortaq 8:

Akiliutinik tiguisussap akiliutinik ingerlatitseqqittartua suleriaatsinik aarlerinaatinik tunngaveqartunik sunniuteqarluartunik aalajangersaassasoq eqqussillunilu immikkoortortaq 8, imm. 1-imi aalajangersarneqarpoq, ilanngullugu aningaasarsianik malunnarunnaarsitsiniaaneq pillugu peqqussutit si-samaanni immikkoortortaq 13 malillugu suleriaatsit aarlerinaatinik tunngaveqartut, aningaasanik nu-ussineq akiliisoq akiliutinillu tiguisussaq pillugu paasissutissanik piunasaqaataasunik tamakkiis-unik amigaateqartoq piviusunngortinneqassanersoq, itigartinneqassanersoq atorunnaarsinneqassaner-sorluunniit paasisinnaajumallugu, kiisalu malinnaaqqinnissamut iliutsit naapertuuttut aalajangius-sinnaajumallugit.

Akiliutinik tiguisussap akiliutinik ingerlatitseqqittartuata aningaasanik nuussinermik tiguisinermini paasiguniuk akiliisoq akiliutinilluunniit tiguisussaq pillugu paasissutissat immikkoortortaq 4, imm. 1 imaluunniit 2, immikkoortortaq 5, imm. 1 imaluunniit immikkoortortaq 6 malillugit pi-umasaqaatigineqartut amigaataasut imaluunniit tamakkiisuunngitsut, imaluunniit naqinnernik allanil-luunniit nalunaaruteqarnermut, akiliuteqarnermut tunisinermut periutsini isumaqatigiissutit malillugit akuerisaasunik immersorneqarsimanngippat, tak. immikkoortortaq 7, imm. 1, akiliutinik tiguisussap akiliutinik ingerlatitseqqittartuata aningaasat aningaasanik tiguisussap akiliutitut kontoanut ikitin-nagit, aningaasalluunniit akiliutinik tiguisussamut atugassiissutigittinnagit, aarlerinaatinik tunnga-veqartumik akiliisoq akiliutinillu tiguisussaq paasissutissanik piunasaqaatigineqartunik qinnuigis-sagai immikkoortortaq 8, imm. 1-imi ilanngullugu aalajangersarneqarpoq

Immikkoortortaq 8, imm. 1-imi unioqqutitsinermi akiliutinik tiguisussap akiliutinik ingerlatit-seqqittartua akisussaataaassaaq, iliuserlu pillaatissutaasinnaasoq tassaavoq suleriaatsinik aarleri-naatinik tunngaveqartunik sunniuteqarluartunik aalajangersaannginneq eqqussinnginnerlu, kiisalu aningaasanik nuussinermik amigaateqartunik paasissutissartalimmik itigartitsinnginneq. Aningaasa-nik nuussinermut peqqussutit aappaanni immikkoortortaq 8, imm. 1-imi unioqqutitsinermi akiliisi-taanermik aallaavittut kinguneqartariaqartoq siunnersuutigineqarpoq.

Akiliutinik ingerlatitseqqittartup akiliisoq akiliutinilluunniit tiguisussaq pillugu paasissutissanik piunasaqaatigineqartut ilaannik arlaleriarluni tunniussinngitsoorpat, akiliutinik tiguisussap akiliuti-nik ingerlatitseqqittartua iliuserisassanik aalajangiussissasoq immikkoortortaq 8, imm. 2-mi aala-jangersarneqarpoq, aallaqqaammut mianersoqqussutit piffissaliussanillu aalajangersaaneq ilaatin-neqarsinnaapput, kingornalu akiliutinik ingerlatitseqqittartumit taassumanga siunissami aningaasa-nik nuussinermik itigartitsissutigineqarsinnaapput, imaluunniit niueqatigisamik taassumin-nga niuer-nikkut attaveqarneq killilerneqassanersoq imaluunniit unitsinneqassanersoq isummerfigineqassal-luni.

Akiliutinik tiguisussap akiliutinik ingerlatitseqqittartuata iliuseqannginneq tamanna aamma iliuserisassatut aalajangiunneqartut, oqartussanut aningaasanik malunnarunnaarsitsiniaanermik aamma pinerliiniarnermik aningaasalersuinermik pinaveersaartitsineq pillugu aalajangersakkanik akiliutinik ingerlatitseqqittartup malinninneranik nakkutilliinermik akisussaasunut nalunaarutigissa-vai.

Immikkoortortaq 8, imm. 2-mik unioqqutitsinermi akiliutinik tiguisussap akiliutinik ingerlatit-seqqittartua akisussaataaassaaq, iliuserlu pillaatissiissutaasinnaasoq tassaavoq iliuseqannginneq kingornalu aningaasanik siunissami nuussinermik itigartitsinnginneq, kiisalu iliutsinik aalajangiun-neqartunik kiisalu akiliisup akiliutinik ingerlatitseqqittartuata iliuserinngitsuugaanik oqartussanut

attuumassuteqartunut nalunaaruteqannginneq. Aningaasanik nuussinermut peqqussutit aappaanni immikkoortortaq 8, imm. 2-mik unioqquitsinermi akiliisitaanermik aallaavittut kinguneqartariaqartoq siunnersuutigineqarpoq.

Aningaasanik nuussinermut peqqussutit aappaanni immikkoortortaq 10:

Immikkoortortaq 10 naapertorlugu akiliutinik ingerlatitseqqeqataasartut tamarmik qulakkeertussavaat akiliisoq akiliutinillu tiguisusaaq pillugit paasissutissat tiguneqartut aningaasanik nuussinermi ilanngullugit nassiunneqarnissaat, kiisalu nuussinermut tassunga ilaatillugit toqqortarineqarnissaat.

Immikkoortortaq 10-mik unioqquitsinermi akiliutinik ingerlatitseqqeqataasartuq akisussaataasaaq, iliuuserlu pillaatissutaasinnaasooq tassaavoq paasissutissat ilanngullugit nassiunneqartut aningaasanik nuussinermut ilanngullugit toqqortarineqarnissaanik qulakkeerinninnginneq. Aningaasanik nuussinermut peqqussutit aappaanni immikkoortortaq 10-mik unioqquitsinermi akiliisitaanermik aallaavittut kinguneqartariaqartoq siunnersuutigineqarpoq.

Aningaasanik nuussinermut peqqussutit aappaanni immikkoortortaq 11:

Akiliutinik ingerlatitseqqeqataasartuq suleriaatsinik sunniuteqarluartunik eqqussissasooq immikkoortortaq 11, imm. 1-imi aalajangersarneqarpoq, nalunaaruteqarnermut imaluunniit akiliuteqarnermut tunisinermilu periutsini immersukkani atorneqartartuni periutsimi pineqartuni isumaqatigiissutit naapertorlugit akiliisoq akiliutinillu tiguisusaaq pillugit paasissutissat naqinnernik paasissutissanillu allanik imaqarnersut paasisinnaajumallugu.

Immikkoortortaq 11, imm. 1-imi unioqquitsinerni akiliutinik ingerlatitseqqeqataasartuq akisussaataasaaq, iliuuserlu pillaatissiissutaasinnaasooq tassaavoq suleriaatsinik sunniuteqarluartunik eqqussinnginneq. Aningaasanik nuussinermut peqqussutit aappaanni immikkoortortaq 8, imm. 2-mik unioqquitsinermi akiliisitaanermik aallaavittut kinguneqartariaqartoq siunnersuutigineqarpoq.

Akiliutinik ingerlatitseqqeqataasartup, akiliisup akiliutinillu tiguisusaaq akiliutinik ingerlatitseqqittartui EU-p avataani suliffeqarpata, suleriaatsit sunniuteqarluartut eqqutissagai immikkoortortaq 11, imm. 2-mi aalajangersarneqarpoq, ilanngullugit tamatuma attuumassuteqarfiini kingorna nakkutilliisarneq piffissamilu nakkutilliisarneq eqqutissallugit, aningaasanik nuussinerni akiliisoq imaluunniit akiliutinik tiguisusaaq pillugit paasissutissat immikkoortortaq 5-imi pineqartut amigaataanersut paasisinnaajumallugu.

Akiliisup imaluunniit akiliutinik tiguisusaaq akiliutinik ingerlatitseqqittartua EU-p avataani suliffeqarpat, akiliutinik ingerlatitseqqeqataasup suleriaatsit sunniuteqarluartut eqqutissavai, ilanngullugit tamatuma attuumassuteqarfiini kingorna nakkutilliisarneq piffissamilu nakkutilliisarneq eqqutissallugit, aningaasanik nuussinerni akiliisoq imaluunniit akiliutinik tiguisusaaq pillugit paasissutissat immikkoortortaq 4, imm. 1 aamma 2-mi kiisalu imm. 5-imi pineqartut amigaataanersut paasisinnaajumallugu. Batchfilimik nuussinerni, paasissutissat, immikkoortortaq 4, imm. 1 aamma 2-mi pineqartut, batchfilimik nuussineq taanna pillugu.

Immikkoortortaq 11, imm. 2-mik unioqqutitsinermi akiliutinik ingerlatitseqqeqataasartuq akissusaatitaassaaq, iliuuserlu pillaatissiissutaasinnaannngortarpoq suleriaatsinik sunniuteqarluartunik eqqussinngikkaanni kiisalu nakkutilliinngikkaanni. Aningaasanik nuussinermut peqqussutit aappaanni immikkoortortaq 11, imm. 2-mik unioqqutitsinermi akiliisitaanermik aallaavittut kinguneqartariaqartoq siunnersuutigineqarpoq.

Aningaasanik nuussinermut peqqussutit aappaanni immikkoortortaq 12:

Immikkoortortaq 12 imm. 1 malillugu akiliutinik ingerlatitseqqeqataasartup suleriaatsit aarlerinaatinik tunngaveqartut sunniuteqarluartut aalajangersassavai eqqullugillu, aningaasanik nuussineq akiliisoq aamma akiliutinik tiguisusaaq pillugit paasissutissat piumasaqaatigineqartut amigaatigineqarpata piviusunngortinneqassanersoq, itigartitsissutigineqassanersoq imaluunniit atorunnaarsinneqassanersoq aalajangersinnaajumallugu, malinnaaqqinnissamullu iliuusissat aalajangersinnaajumallugit.

Akiliutini ingerlatitseqqeqataasartup aningaasanik nuussinermik tiguisinermi paasiguniuk, paasissutissat immikkoortortaq 4, imm. 1 imaluunniit 2-mi, immikkoortortaq 5, imm. 1-imi imaluunniit immikkoortortaq 6-imi pineqartut amigaataasut, imaluunniit naqinnernik ilisarnaatinilluunniit nalunaaruteqarnermut imaluunniit akiliutinut tunisinermilu periutsini pineqartuni isumaqatigiissutit malillugit immersorneqarsimanngitsoq paasiguniuk, tak. immikkoortortaq 7, imm. 1, akiliutinik ingerlatitseqqittartup nuussineq itigartitsissutigissavaa imaluunniit aningaasanik nuussineq sioqqullugu imaluunniit kingoqqullugu aarlerinaatinik tunngaveqarneq aallaavigalugu akiliisoq akiliutinillu tiguisusaaq pillugit paasissutissanik piumasaqaateqassalluni.

Immikkoortortaq 12, imm. 1-imi unioqqutitsinermi akiliutinik ingerlatitseqqeqataasartuq akissusaatitaassaaq, iliuuserlu pillaatissiissutaasinnaasooq tassaavoq suleriaatsinik aarlerinaatinik tunngaveqartunik sunniuteqarluartunillu aalajangersaannginneq eqqussinnginnerlu, kiisalu aningaasanik nuussinermik amigartunik paasissutissartalimmik itigartitsinnginneq. Aningaasanik nuussinermut peqqussutit aappaanni immikkoortortaq 12, imm. 1-imi unioqqutitsinermi akiliisitaanermik aallaavittut kinguneqartariaqartoq siunnersuutigineqarpoq.

Akiliutinik ingerlatitseqqittartuq akiliisoq imaluunniit akiliutinik tiguisusaaq pillugit paasissutissanik piumasaqaatigineqartunik arlaleriarluni tunniussisarsimangippat, akiliutinik ingerlatitseqqeqataasartuq iliuusissaminik aalajangersaassasooq immikkoortortaq 12, imm. 1-imi aalajangersarneqarpoq, taakkua aallaqqaammut tassaasinnaapput mianersoqqussuteqarnerit piffissaliussanillu aalajangersaanerit, kingornalu akiliutinik ingerlatitseqqittartumit taassumanga siunissami aningaasanik nuussinissat itigartitsissutigisinnaallugit imaluunniit akiliutinik ingerlatitseqqittartumik taassuminnga niuernikkut suleqateqarnini killilersinnaallugu unitsissinnaalluguluunniit.

Akiliutinik ingerlatitseqqeqataasartup taamatut iliuuseqannginneq iliuusissallu aalajangiunneqartut oqartussanut piginnaatitaasunut, aningaasanik malunnarunnaarsitsiniaanermik aamma pinerliinarnermik aningaasalersuineri pinaveersaartitsineq pillugu aalajangersakkat malinneqarnerannik nakkutilliisunut nalunaarutigissavaa.

Immikkoortortaq 12, imm. 2-mik unioqqutitsinermi akiliutinik tiguisussap akiliutinik ingerlatitseqqittartua akisussaatitaassaaq. Iliuseq pillaatissutaasinnaasoq tassaavoq iliuseqannginneq, aamma iliussissatut aalajangiunneqartunik oqartussanut piginnaatitaasunut nalunaaruteqannginneq. Aningaasanik nuussinermut peqqussutit aappaanni immikkoortortaq 12, imm. 2-mik unioqqutitsinermi akiliisitaanermik aallaavittut kinguneqartariaqartoq siunnersuutigineqarpoq.

Aningaasanik nuussinermut peqqussutit aappaanni immikkoortortaq 16:

Akiliisoq akiliutinillu tiguisussaq pillugit paasissutissat immikkoortortaq 16, imm. 1 malillugu pisariaqarnerpaaffia sinnerlugu uninngasuutigineqassanngillat. Akiliisup aamma akiliutinik tiguisussap akiliutinik ingerlatitseqqittartuata paasissutissat immikkoortortat 4-miit 5-imut pineqartut nalunaarsorneqarnerat piffissami ukiunik tallimanik sivissusilimmi uninngasuutigissavai.

Immikkoortortaq 16, imm. 1-imik unioqqutitsinermi akiliisup aamma akiliutinik tiguisussap akiliutinik ingerlatitseqqittartui akisussaatitaassapput, iliuserlu pillaatissiissutaasinnaasoq tassaavoq paasissutissanik toqqortaqannginneq. Aningaasanik nuussinermut peqqussutit aappaanni immikkoortortaq 16, imm. 1-mik unioqqutitsinermi akiliisitaanermik aallaavittut kinguneqartariaqartoq siunnersuutigineqarpoq.

Piffissap toqqortarinniffissap imm. 1-imi pineqartup naanerata kingorna akiliutinik ingerlatitseqqittartut inunnik paasissutissat piiarneqarnissaat qulakkiissagaat immikkoortortaq 16, imm. 2-mi aalajangersarneqarpoq, naalagaaffimmi inatsisini allatut aalajangersaasoqarsimangippat, akiliutinik ingerlatitseqqittartup atugassarititaasut suut atorlugit paasissutissanik sivissunerusumik toqqortarinnissinnaaneranut toqqortaqartussaananulluunniit taakkua aalajangiisuummata.

Immikkoortortaq 16, imm. 2-mik unioqqutitsinermi akiliutinik ingerlatitseqqittartut akisusaati-taassapput, iliuserlu pillaatissiissutaasinnaanngortarpoq inunnik paasissutissat piiarneqarnissaat qulakkeerneqanngippat. Aningaasanik nuussinermut peqqussutit aappaanni immikkoortortaq 16, imm. 2-mik unioqqutitsinermi akiliisitaanermik aallaavittut kinguneqartariaqartoq siunnersuutigineqarpoq.

Imm. 2-tut siunnersuutigineqartoq malillugu pillaaasarnermi inatsimmi kapitali 5-imi maleruagassat malillugit inatsisitigut pisinnaatitaasut pisussaatitaasullu pillaatissinissamut akisussaatitaasin-naapput.

Aalajangersakkat pillaatissiissutaasinnaasut suliffeqarfimmut pisussaaffiliisut inerteqquteqartitsilersulluunniit pineqartillugit, suliffeqarfik aamma/ imaluunniit inuk imaluunniit inuit arlallit suliffeqarfimmut attuumassuteqartut, amerlanertigut aqutsisuusut pillaatissiissummut akisussaatitaasinnaapput. Unioqqutitsineq pillugu suliffeqarfik (tassalu inatsisitigut akisussaatitaasoq pisussaatitaasorlu) akerleralugit unnerluussisoqarnissaa aallaaviuvoq. Tamannali inuup ataatsip inuilluunniit arlallit suliffeqarfimmut attuumassuteqartut akerleralugit unnerluuteqarnermik akuneqarsinnaavoq, inuk ataaseq imaluunniit inuit arlallit piaaraluneerlutik imaluunniit annertuumik mianersuaalliorlutik unioqqutitsinermut peqataasimappata, unioqqutitsinerlu pingaaruteqannginnernut ilaasussaanani. Sulisut pingaannginnerusut akerleralugit aallaavittut unnerluussisoqarsinnaanngilaq.

§ 4-mut

Piffissaq inatsisip atuutilerfissaa inuussutissarsiornermut ministerip aalajangersassagaa *imm.* 1-imi siunnersuutigineqarpoq.

Aningaasarsianik malunnarunnaarsitsiniaaneq pillugu peqqussutit sisamaanni maleruagassat Kalaallit Nunaannut atuutilerfiannut atatillugu aalajangersakkat nuussinermut peqqussutit aappaanniittut assigisaasa atuutilerfissaasa tulluartaunera siunnersuummut tunuliaqutaavoq. Aningaasarsianik malunnarunnaarsitsiniaaneq pillugu peqqussutit sisamaat inatsit nr. 651, 8. juni 2017-imeersukkut danskit inatsisaanni piviusunngortinneqarpoq. Inatsit taanna kunngip peqqussutaatigut Kalaallit Nunannut atuutilersinneqarpoq. Aningaasarsianik malunnarunnaarsitsiniarneq pillugu peqqussutit sisamaata Kalaallit Nunaannut atuutilersinnissaa pillugu kunngip peqqussutaata tamatuminnga piviusunngortitsisup peqatigisaanik inatsisillu matuma peqatigisaanik atuutilersinneqarnissaat siunniussaavoq.

Aningaasanik nuussinermi akiliisoq pillugu paasissutissat ilanngullugit nassiunneqartussat pillugit Kalaallit Nunaannut inatsisip atuuttup atorunnaarsinneqarnissaa *imm.* 2-mi siunnersuutigineqarpoq.

Tamanna isumaqarpoq aningaasanik nuussinermi akiliisoq pillugu paasissutissat ilanngullugit nassiunneqartussat pillugit Kalaallit Nunaannut inatsit nr. 399, 21. april 2010-meersoq, inatsisip matuma atuutilerfigisaata peqatigisaanik atorunnaarsinneqassasoq.